

諫議疏稿卷之三

禮科都給事中臣王之垣謹

題為災異頻仍亟請

上下交脩以圖消彌以保治安事臣等切惟自古忠臣事君必言天變可畏蓋畏天變則災異之來恐懼脩省可以上回天意舉天下而措之安也昔堯畏水湯畏旱天下之稱治安者必歸焉臣觀今歲內而京師外而諸省災異頻仍



天變之可畏甚焉是豈可委之適然之數而已哉近該臣等本科接到總督宣大山西等處都御史陳其學題稱萬全等衛地方本年五月二十三日天降冰雹打毀田禾又該巡撫順天都御史劉應節題稱薊鎮三屯營等處本年六月十三日地震有聲又該巡按直隸監察御史房楠題稱河間府滄州地方本年六月十八日與十九日飛蝗徧地食盡田禾又該巡按湖廣監察御

史雷稽古題稱辰州府沅州等處地方本年三月二十七日天降雨雹平地湧水三尺節該臣等讀之不勝駭異又該巡撫山東都御史姜廷頤題稱兗州濟南等府各該州縣衛續報蝗蝻生發田禾盡被食殘撲捕總計不下萬餘石秋成失望民命不堪等因臣等切念

京師自六月以後淫雨傾驚連綿不息軍民廬舍槩多傾圮田禾槩多淹沒人情殊切

言言 卷三
隱憂乃今各省災異頻仍疊報未已如此
天變誠非細故臣等切詳地震者陽伏而不出
陰迫而不勝也雹者陰氣之所凝蝗者陰
氣之所生也淫雨者陰氣之注洩而不止
也凡此皆陰盛陽微之證也夫陰為臣道
為婦道為小人為盜賊夷狄或者臣道其
惰乎婦道其侈乎小人其包藏乎盜賊其
竊發乎夷狄其窺伺乎變不虛生異必有
應此古今不易之理也仰惟

聖明在上

臨御以來

郊廟之祀必親

朝講之典克舉惜

國用之艱難

留心節儉慨邊事之久廢亟

諭振飭罷黜左道裁抑近侍

勵精圖治之心可謂無所不至矣是宜感召和

氣消釋災沴也乃今災變異常如是茲豈

氣數使之然哉意者

陛下有敬

天之心而臣下之奉

天職者容有未盡

陛下有勤民之心而臣下之理民事者容有或

歉叢咎積愆致干和氣災異之來罪在臣

等更復何辭伏乞

勅下內外大小官員痛戒因循深懲咎愆如何

而翼宣

上德如何而啓沃

皇猷如何而惕勵臣工如何而軫卹民瘼如何

而洗雪冤抑如何蕩掃邊塵各就職務極

力脩省其前項災傷地方備荒之策極濟

之術尤宜及時講求著實預圖以免後難

以保萬全庶不負我

皇上用人圖治之盛心也臣等恭念我

皇上為

天之宗子精神與

天相為流通一言之善

天心之所注聞也一動之善

天心之所眷祐也感格之機在我

皇上一念之間耳我

皇上即位以來諸臣章疏凡可以奉行

天道順承

天休者無不仰荷

允諭臣等不敢襲緒言以塵

聖聽惟願我

皇上側身脩行深惟內省

御門奏事則思機務大政得無

親裁未決者歟

經筵日講則思微言奧義得無

睿思未瑩者歟

恩詔大頒

皇恩渥矣則思

宮闈之近四方萬里之遠得無鬱而未獲伸者

歟

說謔錄
卷三
罷却貢獻

儉德著矣則思

服御之間工作之事

賞賜之用得無靡費而未酌抑者歟忠邪賢不
肖有未辨歟刑獄有失平歟近習之人抑
亦有竊弄壅蔽者歟

一念之所及即

天心之所格或

召輔臣相與謀議或

頒

聖諭特示新懿將見陽德日亨陰沴旋息嘉祥
應而休徵集中和位育之化萬年無疆
之治端在是矣臣等待罪該科職詳章奏
目稽時艱激切愚衷冒塵

天聽伏乞

聖明俯賜

允納施行

宗社幸甚天下臣民幸甚臣等不勝戰慄恐懼

之至緣係災異頻仍亟請

上下交脩以圖消彌以保治安事理未敢擅便

謹題請

旨

隆慶叁年柒月奉

聖旨禮部知道

禮科都給事中臣王之垣謹

題為懇乞

聖明停止翫作以謹

天戒事昨該司禮監太監孟冲等題為欽奉

聖諭事內開傳造

朝殿掛燈五對方圓鰲山燈四座等因奉

聖旨是這物料作速辦送工部知道欽此臣等

恭誦

聖旨不勝驚愕切惟我

皇上聖明之主繼

祖宗之統内外人心望治三年於茲矣此何等

時也顧可留神翫樂之具哉方今財用匱

之公私俱困邊餉告急措處不敷時事之
可隱憂者一也四方水旱蝗蝻頻見疊出
饑饉荐臻盜賊生發時事之可隱憂者二
也大虜西返計必內侵兵馬卑弱勢莫能
支時事之可隱憂者三也又有甚焉者自
古未聞元旦日有食之者亦未聞望日又
復月有食之者近該欽天監奏稱隆慶四
年元旦日食十六日夜月食日月交食歲
首大變

天意若此時事之可隱憂者四也夫以多可隱
憂之事而邊方之臣忘身于外腹裏之臣
竭忠於內軍民人等喁喁然日望治化之
成正仰賴我

皇上聰明天挺

節儉性成俯覩時難必加

聖慮顧念及隔歲燈節將傾數萬之資以恣一

夜之娛既褻

天變又違民瘼天下後世其謂

言言
聖明為何如主也

皇上試注神一念必有惕然深知其不可者矣
且元宵之際當日月交食之時臣意彼時
日月薄蝕則天地震撼星辰不寧不獨
朝臣恐懼即窮鄉下邑小民亦必洶洶然驚
愕呼號救護不暇况

皇上為

天之子兄日而姊月可恬然為翫宵之樂哉
皇上留神一思又必有惕然深知其不可者矣

臣等待罪該科事關

君德治道分不容默伏願

皇上垂憫時艱翻然改圖將前項燈作

俯賜停罷仍及時

脩德彌災以慰人心以回

天意則儆戒之實克舉

仁明之德益著天下臣民之慶

宗社無疆之福也臣等無任惶懼祈望之至緣
係懇乞

聖明停止翫作以謹

天戒事理未敢擅便謹題請

旨

隆慶參年柒月初玖日題奉

聖旨已有旨了

禮科都給事中臣王之垣謹

題為酌陳

廷臣納忠事宜以仰裨

聖政事臣等切惟自古君臣明良相會之際非

但君有時以政召問其臣臣亦有時以政

入告於君書稱成王命其臣曰爾有嘉謀

嘉猷入告爾后于內臣觀入告二字是欲

面陳成王望其臣者如此方今言官屢請

皇上諮訪大臣時政未有請

命大臣自以時政

面陳者今

內閣輔臣日侍經筵任重啓沃時政自應

面陳臣等伏望

言諸品類卷三
皇上倣

祖宗朝臣下入對事例

命九卿不時

面陳各以職務上達

宸衷其儀節悉如講官蓋講經史是古時治道
陳時政是今時治道今每日通政司所奏
事件既下九卿題覆必須

面陳方得詳盡就如經史必須講讀方得透
徹自古人君無一日不開經筵無一日不

講時政正以經筵時政俱係緊要伏願

聖明俯賜

允俞庶諸臣翼輔忠藎之心有出於章奏之
外

皇上聖神文武之業益隆於

兼聽之餘矣臣等再惟今內外諸臣本章當以
明白簡切為上但言之無文行之不遠文
固不可以已也若組繪艱深比附滋蔓不
便觀覽則文又非所先也臣聞

祖宗朝臣下本章詞意如
面奏當時無一䟽不經
御覽無一事不奉

親裁

先皇帝初年本章亦多簡明字畫亦稍重大今

纂修

實錄本章俱在可見也伏乞

勅下該部申明格式以後本章俱要事體簡明
不許崇飾浮詞其字畫查照先年稍從重

大仍望

皇上日覽章奏以示

親政至意以慰臣民大願今年春月以來諒陰
未遂夏月以來炎暑方熾

內閣禮部題

請經筵日講荷蒙

皇上即日

允行大小臣工無不懽慶臣等切念
面陳時政以裨

聖聽申明奏格以便

御覽是亦今日之急務輒敢冒昧具陳伏乞
勅下該部酌議施行臣等幸甚天下幸甚臣等

仰竇

天威不勝戰慄祈懇之至緣係酌陳

廷臣納忠事宜以仰禔

聖政事理未敢擅便謹題請

旨

隆慶參年捌月拾貳日題拾肆日奉

聖旨禮部知道

禮科都給事中臣王之垣謹

題為看詳章奏懇乞

勅勲臣遵

明旨以重

君命事近該南京守備魏國公徐鵬舉奏為再
乞

天恩稽

祖制復禮儀以隆

東

義

三

秀

國典事內稱

聖節

正旦冬至三令節例該勲臣一員序立東班之首由東階陞降致詞稱祝等因奉

聖旨這行禮班次還着照舊欽此臣等隨查得隆慶二年十二月內該禮部題為慶

賀禮儀事內覆南京都察院右都御史林雲同奏前事開稱查得在京百官每遇

三大節

皇極殿前慶

賀行禮公侯附馬伯俱於

丹陛下

御道西列班然後文東武西以次序列兩京事體相同而南京守備勲臣亦係公侯等爵似不宜序於東班之首考之

大明集禮

朝會慶

賀班首官俱詣西階上

殿致詞畢仍降自西階復班則今南京守備勳
臣充班首官凡遇致詞由西階陞降本無
礙於

舊典合無今後南京各官朝

賀等禮務照在京班次守備勳臣仍依爵級
序列於西班其致詞即自西階陞降永為
定例等因奉

聖旨是欽此臣等切惟前項班次既奉
成命永為定例是必

令出惟行而後

成命始尊勳臣奉

命而後朝廷始重今照魏國公徐鵬舉兩疏致
辯擾

瀆未已據其詞雖若往跡可循原其情殊為
違

命不恭臣等祇請

明旨這行禮班次還着照舊欽此臣等切惟該
部遵

大明集禮

朝會慶

賀班首官由西階陞降為

舊典而鵬舉則以由東序立陞降為舊例部臣
勲臣俱疏執舊咸可照也今奉

明旨若

允鵬舉之奏

請則前此

成命已下難復更移必須

明示照該部題奉

前旨庶臨期不致違越况前項班次自嘉靖四
年以來履行議

請皆因兩京事體不一所致惟遵文東武西班
制而勲臣西階稍列近上則兩京事體歸
一典制攸同

成命永遵矣臣等職掌所關分不容默冒昧
陳

竇伏乞

聖明裁正緣係看詳章奏懇乞

勅勲臣遵

明旨以重

君命事理未敢擅便謹題請

旨

隆慶叁年玖月貳拾捌日題本月叁拾奉

聖旨已有旨了

禮科都給事中臣王之垣謹

題為懇乞

舉大禮以全

郊祀盛典事近該禮部恭奉

聖諭朕見今年各處來奏災傷甚重民受疾苦

慶成

宴暫免欽此隨該禮部查照嘉靖初年慶成

宴雖遇災傷亦不罷免事例具題奉

聖旨已有諭了欽此臣等竊惟我

皇上軫念四方災傷疾苦

特免前宴此誠畏災恤民之盛心也臣等敢不

祇承但念自古荒政青禮惟禮之繁細酌
量裁削以明節約然謂之青其禮尚存若
大禮則豈以荒政廢哉欽惟

祖宗舊制凡遇

郊祀宴名

慶成是慶

上帝之居歆慶一人之納祐慶萬象之咸和

故爵崇九進樂備九章豈惟隆奉

上之敬示待下之禮哉蓋履長迪吉導和消沴

明禋之盛事也故雖災傷例不罷免在

先帝初年既經該部照例覆

請允行則

今日尤有不容已者我

皇上即位三年於茲徃以

國戚兩廢宴禮今茲從吉之後臣見該部前

已題奉

欽依行各衙門備辦有序費不甚繁若

大報之後舉而行之於上為敬

天於前為法

祖錫百工之慈惠為逮下之仁脩

熙朝之盛事為順時之義

郊祀盛典必成之以此斯為大備臣聞成周

宗伯掌邦禮治神人和上下是今禮部之

職

大祀慶成將使神人胥悅

上下情通該部職掌莫重於此節該照例懇

請誠為有據臣等待罪該科亦係職掌不敢緘

默冒昧具

陳伏乞

勅下

廷臣再為酌議如果臣言不謬如例舉行則

於

盛典有光矣臣等干冒

天威無任惶懼祈懇之至緣係懇乞

舉大禮以全

郊祀盛典事理未敢擅便謹題請

旨

隆慶參年拾月初拾日題奉

聖旨明年行

禮科都給事中臣王之垣謹

題為恭進先臣

聖功圖冊酌陳

東宮睿養事宜以仰體

聖心以崇重

儲闈事近該禮部尚書兼翰林
院學士高儀等題為懇請

東宮出閣讀書等事奉

聖旨年十齡來說欽此臣等切惟我

皇上聖德天縱

慈撫性成念

東宮冲年恐勞

睿體臣等敢不欽承但時遇春和

東宮妙齡益增

英識漸啓正宜講明仁孝禮義之事以預作

聖之基臣等仰體

皇上德意欲摠愚陳悃為

東宮睿養助又自顧學術疎淺不敢冒瀆

宸嚴昨臣本科檢得先年南京禮部尚書霍韜
南京吏部考功司郎中鄒守益連名奏

進聖功圖一自文王世子問安以至殷王高宗
訪道各繪圖註說極為明悉二臣忠懇實
先得臣心同然臣等不敢隱蔽謹照原圖

繪寫進呈

御覽伏願

皇上特賜

東宮觀玩時

召儒臣講讀則於輔導未必無少裨益但
聖功一圖古今事理開載未盡觀玩之後必須
漸及別書臣見外間臣庶之子所習句讀
無裨

睿養且經史等書亦難驟進合無照

聖功圖式

特勅內閣會同禮部選翰林院官二員每五日

繪圖註說一事至期進

呈惟

內閣大臣同進圖官候文華殿請

命 皇太子出閣

進圖官講讀一過

皇太子隨即還宮五日之內將前後進過圖

冊隨意觀玩此外一應講學禮儀俱暫免

候

東宮年齡更進然後舉行夫觀圖象以會義

理既明白易知且五日進

呈一次又甚逸而不勞也伏乞

皇上察臣愚悃

特賜允行倘於

東宮睿養有益俟圖冊積久事體詳備之日

臣等仍望

皇上勅下撰脩官分門類輯成書以備我

朝典章以昭

皇上制作之盛

言義疏卷三
聖子神孫萬年作聖之功端在是矣臣等不勝
至願緣係恭進先臣

聖功圖冊酌陳

東宮睿養事宜以仰體

聖心以崇重

儲闈事理未敢擅便謹題請

旨

隆慶叁年貳月奉

聖旨聖功圖冊留覽禮部知道

禮科都給事中臣王之垣謹
題為懇乞

聖明停止

欽取銀兩以裕

國用事昨該禮部傳奉

聖諭光祿寺進銀二十萬兩來欽此隨該光祿
寺卿黃華等奏稱該寺見今貯庫不足二
十萬兩之數缺乏已甚欲乞

聖明停止取用等因奉

言言 卷三
御批取十萬兩來欽此臣等切惟該寺銀兩原
係

上供奉先等殿享獻并

宮膳宴會等項支用俱有定額幸蒙

皇上至仁節儉加意約省積有剩餘已於隆慶
元年叁月內奉

旨取銀三十萬兩犒賞軍士隆慶貳年玖月內
欽奉

聖諭取銀二十萬兩今該寺貯庫一十五萬五

千六百五十餘兩止可備將來額辦支用
臣聞該寺錢糧坐派小民因連年水旱災
傷徵納不全各省庫藏搜括已盡若前項
銀兩復奉

聖諭取進則寺庫貯積空虛萬一將來供應不
敷何以應之該寺所以懇切具奏誠萬萬
不得已也伏願

皇上念國計之日匱

懷儉德之永圖

說謔疏稿 卷三
俯從該寺之言將前項銀兩免行取進庶
國用不致缺乏民力亦可少甦矣臣等無任
惶懼祈懇之至

隆慶參年柒月奉

聖旨已有旨了

禮科都給事中臣王之垣謹

題為申飭科場事宜以裨

聖化事竊惟科舉取士實

國家賓興

盛典其法度周密品式具備可謂盡善無遺
但邇年以來詞章日勝風會漸流而不返
巧偽日滋士心愈壞而莫正維持世道者
可不於制科加意哉我

皇上豐芑作人甄陶士類

登極以來鄉會之試嘗一舉矣茲復近庚午鄉
試之期實才俊庸登之候然欲網羅以求
其才當先制法以挽其趨所有科舉事宜
先年已經禮官覆

請但其中有行之未久而漸弛與行于京闈而未及於各省者臣等撮其要參以一得之愚列為四事伏望

勅下禮部詳議施行庶於

國家取士之典益以日新無弊緣係申飭科場事宜以裨

聖化事理未敢擅便謹題請

旨

計開

一嚴應試以正士風竊惟學校之建蓋欲涵育真才以適於用而制科之開尤當稽核士行以重其始

國家設科取士倣古鄉舉里選遺意士由州縣達之省府由省府達之貢院取籍貫親供身家無過者方得應試立法之初非不嚴也迨法度漸弛有司惟文之求不復問乎其行學校之士有作姦犯科未及詳讞及寡廉鮮耻

騰播士評教官受其賄囑朦朧送考者督學官校其文優不復加黜得志之後視端謹之士久淹學宮沉晦蒿萊已卑視而竊笑之士風之所以日頹民俗之所以日偷未必不由於此宜令兩京十三省提學官將所屬生員多方博訪除文優而行亦純與文疵而行又虧者俱照舊黜陟中間有制行弗端實跡已著如考在前

列亦必擯棄有制行純美素礪潛脩若文在下等亦量拔擢許其應試雖行脩之士未必即登文學之科然於掄選之中亦足以示重行之意詢訪之法偏信學官或得以禮節之厚薄而為優劣偏信有司或得以私意之好惡而致虧枉則耳目之寄宜廣詢訪之術宜精其各處生儒無州縣明文先援例入監者例應行查須

以文書到日方嚴考應試若行查未到雖有鄉官保結不許進場以圖冒濫要使選舉精嚴匪人弗與庶科目之法得以慎乎其始而

國家養育之意亦可以無負矣伏乞

聖裁

一正文體以端士習

國家取士以經義論判表策定為三場蓋欲士子於經術世務兼治並通何近世

之士工經義而流於汎濫忽後場而流於空踈先該禮官定議立限字以定其規重後場以挽其習通行天下士知遵守但恐法久則玩文勝漸滋士子或見前科有違例與後場不稱者皆得中不原主司之意出於不得已而取

明禁之立終於廢格不行遠近相傳舊習終勝宜重加申明主司取士俱照隆慶元

年限字及重後場定例若有違例取
中及置後場不觀者許科道官查訪
參究庶經術脩明世務通達之士皆
得出乎其間然其始當責成夫督學
其本當先正夫錄文竊見近年提學
官校士有以四書義一篇經一破而
定高下中間雖有論策博洽夫典故
而經義或晦夫文彩者主司於場屋
雖欲取其人而先已遺於督學之所

棄宜令兩京十三省提學校士必經
書論策俱全有經書少踈而論策優
長者俱選應試以示士子兼重之意
場屋程文自成化弘治之間皆淳厚
典雅明白正大近年各省試錄或背
經註以伸已說或鉤玄深以雜異學
甚非盛世之所宜有自今試官所刊
程文當以成化弘治為法使文體之
厚重純正足以徵

言論民利 卷三
熙朝淳雅之風此二者乃端士習之本原遵
而行之可以挽末流而返之正矣伏
乞

聖裁

一選內簾以復

舊制十三省鄉試官近年內簾所聘徒存空名
雖議論紛紜率不能專內簾以復

祖宗之舊非

舊制之不可復亦由兩京鄉試多用本處進士

有司以充內簾所取之士頗號得人
夫兩京既用翰林以為總考猶必取
信於科甲之考官則各省欲重內簾
又豈可徒用夫所聘之教職臣謂各
省所依丁卯兩京鄉試事例於本省
進士有司選其文學精通者數人充
於內簾仍於隔省教職令彼處巡按
精擇年壯學精者應聘參之內簾以
存立法之舊若謂以本省有司校本

省之士奸弊易生今內簾既閱硃卷其墨卷俱束不觀關防嚴密弊何從生此進士有司之可用內簾已斷然無疑蓋不惟去取得當可免魚目混珠之譏而防檢既嚴亦可存糊名易書之意矣伏乞

聖裁

一議京試以處貢途

皇上登極之初

加意學校網羅真才既廣進士之額以播州

縣復開

恩貢之途以入

國學今隆慶參年

恩貢之士已經

廷試分送南北

國學諸士挾策待試者既彬彬矣然士之雲

集於兩京者本有南北人材之異

而兩京鄉試原無南北定卷之例臣

謂京試三十五名之額可依會試分別南北量名數以取中式使北方質直之士不至於擯落而南方文勝之士不至於偏勝至於往年監生各衙門歷事必留歷一二月以圖應試甚至積十餘年殊非事體近方嚴留歷之禁禁之誠是也然士懷才抱藝者一經完歷之後即無進取之階此又何可不為之議宜令監生自歲貢

恩貢援例歷期既滿俱回原籍兩京十三省提學官於鄉試之期通將本處監生會考在南北直隸則送之京闈在各省則送之省試其文理荒謬者不得濫送

恩貢雖係雋選當無去取但恐志怠學廢亦不得與歲貢例監獨異至於考試官填榜之時於前項監生但在中式之列不許裁抑擯棄夫如是既不阻其仕

進之心又可以省其長途之費於

國家養士之意未必無少補矣伏乞

聖裁

隆慶叁年拾月拾玖日奉

聖旨禮部知道

禮科都給事中臣王之垣謹

題為酌議理財事宜以少裨

國計事切惟自古理財之道務本節用貳者

而已今語及務本之最先者則見迂濶而

効緩語及節用之甚大者則見逆聽而行

難二者弗遂若巧避拮克之名倡為遺羨

之說朘刮膏血俾無子遺則又見已甚而

病民臣為此慮俱不敢

瀆陳外惟以酌盈縮之宜則均節之法不可以

不行核邊費之實則年例之數不可以不

節通錢法之利則變通之術不可以不講

凡此三者雖無訐遠之謀亦竭芻蕘之見

既非損之在上又非求之於下惟在當事

言言路利
臣工共協猷念同濟時艱庶於財用不無
少裨焉耳伏乞

勅下該部議覆施行臣愚幸甚天下幸甚緣係
酌議理財事宜以少裨

國計事理未敢擅便開坐謹題請

旨

計開

一酌盈縮之宜稽古成周冢宰制國用
必於歲之杪量入以為出夫使一國

之用冢宰得而制之則彼此通融有
無相濟雖蠲民之逋負徐民之租賦
而國用可不至甚匱

皇上即位初年邊餉錢糧特免十分之五以故
該部屢稱詘乏臣伏讀

明詔有曰朕加意節省用自有餘臣意

陛下所諭有餘者將補其所蠲免也往年齋醮
工作與夫光祿寺品物每歲糜費不
下數十萬

皇上罷齋醮工作嚴光祿寺查刷計每歲節省亦當不下數十萬但不盡係戶部邊餉之數是以祇見詘乏耳查得先年戶部尚書韓文等題稱弘治三年以來禮部急缺牲口工部計取物料共借銀一十四萬二千七百餘兩此可見先年額徵銀兩禮工二部曾經借用戶部今戶部既稱詘乏禮工等部光祿太僕等寺查庫貯足用將來年解到銀兩酌量撥借戶部亦濟時之一策也臣愚仍望

皇上做成周制國用之法為歲會之制勅下在京大小衙門每年冬季各以職掌開具歲入歲出并實在的數戶部總為歲計簿

進呈

御覽庶可以周知其有無多寡以為酌議制用之則此亦周官歲會以獻於王之遺

意也伏乞

聖裁

一核邊費之實臣聞正統弘治年間各邊軍餉每年除民運本色外發邊僅止三十八萬至嘉靖十八年增至五十九萬二十八年又增至二百二十一萬三十八年又增至二百四十餘萬四十三年又增至二百五十一萬近又增至二百七十餘萬及查戶部

每歲太倉銀庫所入僅止二百二十餘萬較輸邊之數尚少五十餘萬國用缺乏至此乃各邊議增兵餉猶紛紛未已也夫各邊以例

請發尚有例外之望該部如例解發每懷不滿例之憂如是而不為之通融品節則有限之財無窮之費將何所底極哉查得先年戶科都給事中葉鏜題稱查盤給事中李滋開戶部發過宣大

兩鎮三十年主客兵年例新增銀兩
共一百萬有餘除支用外尚餘四十
一萬有零保定一鎮戶部發銀三十
萬除支用外尚餘一十五萬有零計
通薊二鎮年例存餘當亦不止七十
餘萬一年之中四鎮所餘尚有一百
餘萬用訖僅百十萬有零餘者皆在
邊也即以三十年之時勢用度為三
十一年之準則二年之內四鎮之間

該部之所發四鎮之所存當有二百
餘萬之積其三十二年止該發六十
餘萬足矣該科之言蓋通論也夫不
減其例而亦不拘足其例酌盈濟虛
之道當如是耳臣嘗臆度隆慶二年
各邊寧謐無調發援兵之擾無行糧
按伏之需無賞賜之費計今餘積當
不止如往時矣此近來諸臣所以有
差官查邊之議但各邊錢糧總以督

撫司以守巡兵備管理以部郎主事分理以各路通判而各該巡按官又從而糾察之其法甚備若不必更為差官以滋紛擾惟以邊儲浩繁頭緒多端五年一次差科道官查盤係是祖宗舊制且不數不疏深為綜核之宜若差去官員務存大體稍戒苛細將在倉在庫錢糧及在操兵馬實數通行稽查奏報庶前五年經費既得其詳則後五年經

費可知其槩邊臣當益節省部臣尤易注措况奉

特命而往則兵糧之影射侵冒虧折拖欠等弊尤有望風而振刷者其於邊餉錢糧豈曰小補之哉伏乞

聖裁

一通錢法之利我

聖上即位初年軫念錢法不通勅下該院議處已經題覆奉有

成命迄今尚未大通庫積留滯議行者不能行
議鑄者不敢鑄法令之不振未有甚
於此時者也臣見民間銀色雜以鉛
銅鋪行私置錫木小牌尚可行使豈
朝廷鑄錢尚不若鉛銅之銀錫木之牌哉其
用之者有便與不便也臣嘗求其故
矣錢法不行有三難焉爾來
內府取進并賞賜等項止用銀幣並不及錢
上不用而責之下一難也前奉

明旨商稅房號等項兼錢收納當事者崇金背
而賤火漆錠邊官不用而責之民二
難也又訪治阻撓行錢枷號垂楚者
多市井菜傭其巨姦大豪一無所問
姦豪不治而責細民三難也以此三
者知錢法之不行而酌其所以可行
又在因其情而利導之耳蓋錢制
造作有工拙體質有厚薄人之或用
或不用亦其情也必取金背錠邊火

漆等錢各為差等如銀一分該金背
六文而鎡邊則八文火漆則十文其
餘

先朝并歷代一應銅錢俱為定例載在
令甲通行天下一以昭

王制之公平一以明

一統之大義使四方之錢得達之

京師

京師之錢得散之四方如有違

制阻撓比例重治仍將交易貨物追奪入官或
謂如此不已過乎臣謂錢法

天子之利權也

天子操利權以利天下誠治其甚者風示天下
以御萬物以調盈虛則足

國裕民之大機也仍望

皇上今後

內府應進并賞賜銀錢並用

勅下當事臣工凡商稅房號照例收納其訪治

阻撓豪強一無所避如此庶可以一
民志齊民行而錢法大通矣錢法通
而鑄錢之令可漸議及矣伏乞

聖裁

隆慶參年玖月奉

聖旨

禮科都給事中臣王之垣謹

奏為患病不能供職懇乞

天恩容令回籍調理以圖補報事臣原籍山東

濟南府新城縣人由嘉靖四十一年進士
除授湖廣荊州府推官隆慶元年二月內
欽蒙

聖恩選授刑科給事中歷陞今職臣一介草茅
遭逢

盛際濫竽省署即捐軀不足為報豈敢苟便私
圖但臣賦質素弱一涉勞苦則痰火驟發
頭目眩暈早年又患冷症每至冬初徧體
紅腫痰嗽尤甚手足痿痺步履不前臣昨

歲奉

命冊封回至中途前疾舉發欲求歸養又念御節重務不敢稽遲臣力疾前來幸得完事延至於今遂成痼疾方調治間忽得家書知臣母患病旦暮思臣臣聞之私衷鬱悒伏枕憂念前病增劇醫云臣病甚費調理若非靜攝需以歲月恐難生還臣用是展轉思惟若不及今陳乞恐上負朝廷養士之恩下負老親倚間之望臣即死且

無所逃罪矣查得戶科都給事中陳行健亦因給假養病具

奏荷蒙

聖明俞允臣之事體實與相同伏乞

聖慈垂憐

勅下吏部照例容臣回籍調理病痊之日依期

前來供職臣受

皇上再生之恩自當銜結思奮圖報萬一矣臣無任隕越俟命之至為此具本令義男王

世忠抱齋謹具奏

聞伏候

勅旨

隆慶參年拾壹月拾伍日奉

聖旨吏部知道

刑科都給事中臣王之垣謹

題為檢舉事臣等本科左給事中筮東光於
本月拾玖日因患痰火心疾註門籍在家
調理間至貳拾壹日進

朝步入

右掖門內叩頭行禮語言顛狂動作失度職
等在科聞知隨令吏張縈等扶出事屬違
錯係臣本科合當檢舉懇乞

天恩垂宥臣等不勝戰慄之至

隆慶伍年貳月貳拾貳日題奉

聖旨筮東光係言官有心病着冠帶閑住
刑科都給事中臣王之垣謹

題為懇乞

聖明申明律例以定法守以隆

聖治事臣等切惟刑者民之司命律例者刑之

準的我

朝

大明律一書斟酌情罪輕重上下條分縷析至

精至當誠萬世所當遵行也往者部寺以

律解不一執辨互異該本科署科事左給

事中陳行健具題刑部覆奉

欽依欲將

大明律一書會同都察院大理寺各選屬官二

員通取諸家註解折衷定論纂輯成書

進呈

御覽裁定刊布中外一體遵行此誠申明律書

至意也經今三年各官遷轉不一尚未成

書臣等切惟律義深奧民情紛雜其他疑

獄姑置勿論即如部寺執辯買休賣休律

及違制不應等罪民間告訐頗多若不早

為詳定恐非所以肅臣紀明法守也伏乞

勅下該部查照原題事理再請

欽命堂官一員督裁其事庶便責成臣等再惟
問刑條例一書嘉靖二十九年該刑部尚
書顧應祥題

請會議刊行但自嘉靖二十九年以後及我
皇上近年事例尚未開載在京問刑衙門尚費
檢閱况在外遐方下邑尤難稽查似應酌
議倫次叅附與前項條例總成一書頒布
內外庶法紀畫一永可遵行矣再照問理

衙門前項律例若非平素講讀通曉未免
任情輕重徇私弄法甚者問及積猾吏書
適為奸慝之資矣查得

大明律講讀律令條下百司官吏務要熟讀講
明律意剖決事務每遇年終在內從都察
院在外從巡按御史提刑按察司官按治
考校若有不能講解不曉律意者初犯罰
俸錢一月再犯笞四十附過三犯於本衙
門遞降叙用欽此近該刑部題請

勅各該監司著實舉行外訪得往年辦事進士

惟刑部題擬律例考校乞

勅各衙門堂官今科辦事進士行令各熟讀講

明律例一體考校庶未事之先律例既能

通曉臨事之際擬斷必無枉縱刑罰清而

百姓服

聖治不無少補益矣緣係懇乞

聖明申明律例以定法守以隆

聖治事理未敢擅便謹題請

旨

隆慶伍年參月初肆日題初陸日奉

聖旨刑部知道

刑科都給事中臣王之垣謹

題為熟審屆期懇乞

重欽恤以廣

皇恩事臣等竊惟為

上天以生物為心

聖人以民命為重故矜憫庶獄開釋無辜無非

培植民命以善承

天心也恭惟

皇上好生大德洽於人心邇者差官審錄各省
天下蒼生罔不慶戴

皇恩之浩蕩矣况

京師為仁政首及之地熱審在即當事臣工
尤宜悉心竭慮庶不負

欽恤重典查得往年刑部題覆奉

欽依五年熱審添本科都給事中河南道掌道

御史同會共審以示大公臣濫廁該科適
當其期深懼愚昧不能仰副德意萬一然
職掌所關敢不為我

皇上陳之臣等切惟我

朝刑獄一事最為慎重問以刑部評以大理
盖以人之意見不同刑部之招擬未妥大
理得以評駁之大理之評駁未妥刑部得
以再審之必求罪當囚服而後已夫何近
年部寺之臣各持己見罔肯協心在大理

者或駁所不必駁在刑部者或辯所不當辯如往年刑部尚書毛愷大理少卿王諍訐奏可鑒也伏乞

勅下部寺諸臣今次審錄務要彼此虛心勿得偏徇已意歷年以來刑部之問辯或有失中大理之允駁或有未當茲多官聚會之時正平心議獄之際面質可否從正改擬庶平反得實獄可無冤矣此議讞之當公也臣等近見刑部送到開報囚數增至五

百二十餘石口夫以繫獄繁多若此會審之時必須查據招情質對囚犯口詞方可辯理但會審時日有限各犯槩多執詞不服干証一無可據招情遽難解結訪得該部往年先期擬定審語但係勘官或畏刑名之錯或厭辯理之難或推避嫌疑或拘泥成案生意不求冤否莫辯草率完事亦或有之伏乞

勅下部寺在監一應輕重囚犯并招詞不分已

未結證分發各官叅互更調覆審某為可
矜某為可疑某為有詞擬定審語另開揭
帖臨期分送會審多官叅酌公論擬議施
行或謂既會審則不必取原問原評衙門
審語不知往年會審執簿呼名傳報註筆
矜者不知其所以矜疑者不知其所以疑
有詞者不知其何以有詞祇為虛應故事
而已今若令其叅互更調擬定審語會審
各官旁詢推究另有見聞一併叅酌公論

旨見會審不為虛文

欽恤確有實惠矣此詳審之當預也臣等近接
到刑部一本題為謹

天戒慎刑獄等事奉

聖旨劉倬等既監追年久家產盡絕准免追贓
查照原擬發遣發配發落釋放劉天錫施大
本等俱依擬鄭仲文等照舊監追欽此臣等
切惟我

皇上至仁向一時脩省尚因言官之

請憫恤囚犯若此况五年一次審錄
恩典出自

聖衷比常尤為不同除徒杖減等釋放外其充
軍或監追年久贓欠不多或監追未久家
產盡絕或不係真正侵欺情有可原或正
犯已故家屬代追情有可憫節有

恩例今茲五年一審免追贓數并有虧枉者除
舊例外似應再為推廣寬恤是後一年一
審及偶因災異脩省者不得援以為例亦

是一時

殊恩又查得本部舊題熱審為部院錦衣衛衙
門其順天府宛大二縣不與焉咫尺淹滯
不無向隅之泣合無奉有

明旨之日行各該應審官員一體審錄施行在
外各省原差恤刑官一時或不能偏及暑
月監犯情輕事小者行令保候在外不許
故禁

皇恩大霈矣此推

恩之當廣也再照人情莫苦於獄獄情莫苦於暑炎熱煎熬穢惡熏蒸則滌除不可以不潔也病症偶感傳染牢瘵則醫藥不可以不備也饑餓無聊枵腹待斃則獄食不可以不充也牢頭任情凌虐吏卒預覘病呈或以私恨或因賄屬竟死非命冤抑莫伸則檢察不可以不密也死屍朽爛血肉成燐見者閉目過者掩鼻在監獄囚其何能堪則相埋不可以不速也一時一事致被牽連掛

號聽審轉詳評允已經月餘及至打斷各官期會為難犯人困憊愈極則發落不可以不早也凡此皆民命所係又有甚者有偶被緝拏拷打傷重致死者有申招未經允詳即死者有人命兇犯尚在干連人証監死數名者有強盜方纔具招申詳已監死過半者夫事關獄情稍有不慎皆足致斃豈獨熱審之時可以布

欽恤之恩哉司刑名之臣果能仰體

宸衷俯念民隱前項事體均宜究心伏乞
勅下法司議覆施行則我
皇上日月之明照及覆盆
天地之恩霑被遐幽矣

隆慶伍年參月貳拾柒日題貳拾玖日奉
聖旨法司知道

諫議疏稿三卷終